

Broj: 01-02.1-5333-6/19
Datum: 24.6.2019.godine

Na osnovu člana 70. Zakona o javnim nabavkama (Službeni glasnik BiH broj 39/14) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), i u skladu sa preporukom Komisije za nabavke Uprava d o n o s i:

ODLUKU
o poništavanju postupka javne nabavke

Poništava se otvoreni postupak javne nabavke radova na zamjeni dilatacionih naprava: 1. Obalni stub broj 6 na mostu preko strme padine (M17-012-306), klizište u Papraskom, na cesti M17 dionica Konjic-Jablanica 1, km 17+674; i 2. Obalni stub broj 5 na mostu preko jezera Bočac na ušću rijeke Ugar u rijeku Vrbas, Bregovi (M16-006-522), na cesti M16 dionica Crna Rijeka-Jajce Jug, km 6+364, objavljenog na portalu e-nabavki dana 31.5.2019.godine

Obrazloženje

U skladu sa članom 18. Zakona o javnim nabavkama („Službeni glasnik BiH“, br.39/14) JPCFBiH (Ugovorni organ) je pokrenuo otvoreni postupak javne nabavke predmetnih radova, koji je objavljen na portalu e-nabavki dana 31.5.2019.godine.

Do utvrđenog roka za predmetnu nabavku je prispjela jedna ponuda, čiji je iznos značajno veći od obezbjeđenih sredstava za predmetnu nabavku. Iznos obezbjeđenih sredstava je 94.017,09 KM, bez PDV-ea, a iznos dostavljene ponude je 162.625,87 KM, bez PDV-ea, dakle dostavljena ponuda je za cca 73 % veća od obezbjeđenih sredstava.

Cijeneći navedeno činjenično stanje, Komisija za nabavke je konstatovala da postoje uslovi za poništavanje postupka nabavke iz člana 69. stav (2), tačka e) ZJN-a, te predložila donošenje odluke o poništavanju postupka nabavke.

Na osnovu ovog navedenog, Uprava je donjela odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10(deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Ljubo Pravdić, dipl. inž. građ.